

Censura duorum Theologorum.

Verissimum est, quod devotissimus Thomas à Kempis in aureo suo Libello de imitatione Christi, l. 1. c. 18. ait. *Intuere sanctorum Patrum virida exempla in quibus vera perfectio & religio refulsit; & videbis, quàm modicum sit & pene nihil, quod nos agimus.* Et l. 3. c. 19. *Parum est, quod tu pateris in comparatione eorum, qui tam multa passi sunt.* Hæc accuratiori mente evolvens, ad excitandos fidelium animos, P. Dionysius Luxemburgensis, P. M. magno labore conscripsit Sanctorum Legendam, singulis totius anni diebus speciali cujusdam Sancti Legenda illustratam. Quam A. V. P. Martinus Cochemensis, Ordinis Capucinorum Jubilarius ac Provinciæ Senior, magna diligentia revideat, auxit & emendavit. Cum itaque ex impositione R. P. Damasceni Lohrani, Ordinis Capucinorum per Provinciam Rhenanam Provincialis, memoratam revisionem & emendationem attentè perlegerimus, nihilque sanæ fidei aut bonis moribus contrarium in eadem repererimus, hinc luce publicâ dignam judicamus, ut legentes ad imitationem Sanctorum excitentur; & qui delectantur magnitudine præmiorum, non deterreantur certamine laborum. Datum Moguntia 1708. 12. Augusti.

F. Ferdinandus Trevirensis, Ordinis Capucinorum Concionator.

F. Dominicus Merlensis, Ordinis ejusdem SS. Theologia Lector.

Facultas Censoris Moguntini.

Quia spinis consita est, quâ ad cælum tenditur, via, delicatuli multi asperiores illam quam quâ incedere possint, erroneè apprehendentes, gravissima quaque scelera committunt, tanquam nihilominus ab illa Beatorum sede æternum excludendi, Infelicibus istis ab interitu revocandis efficacius quid proponas quam Divorum Divarumque Cælium cruentos sub Tyrannis agones vel susceptas à semetipsis adversus semetipsos pugnas, inflicta corpori flagra, adhibita cilicia, jejunia, pervigilia, & sexcenta alia Christiana fortitudinis exempla? Certè hæc talia qui audiunt, vix possunt non exclamare: potuerunt isti & istæ ut animos cælo transcriberent, in propria corpora tam duri & inclementes esse jejunare, vigilare, orare, ignes imo & rotas & Carnificum gladios contemnere, quidni & nos poterimus & vero etiam volumus, illo eodem adjuvante; qui istos & istas adjuvit, durissimum quid pro cælo sustinere? Sic puero, vix possunt non dicere. Huic porro effectui certius obtinendo, cum Adm. Rdi. Patris Dionysii Luxemburgi Concionatoris Capucini piè demortui præsens Legenda non inidonea sit, nihilque habeat contra fidem & bonos mores; sed diligentè à R. P. Martino Cochem, recognita, in lucem edi mereatur facultatem do, ut iteratò imprimatur. Moguntia 18. May 1708.

J. Georgius Kirsch, S. Th. Lic. Eminentissimi Moguntini Consiliarius
Ecclesiasticus, librorum Censor.